

Data:

Formazioa

Langileentzako prebentzio gaiei buruzko formazioa da enpresetan laneko arriskuen prebentzioa bermatzen duen neurrietako bat. Enpresarentzako eskakizun bat da, enpresak bete behar duen betebeharra. Enpresariak bermatu behar du langile bakoitzak prebentzio gaietan formazioa jasotzen duela, bai kontratazioaren unean bai burututako funtzioetan aldaketak daudenean edo teknologia berriak edo lan-ekipoetan aldaketak sartzen direnean.

Formazioa langileak segurtasunez lan egitearen garrantziaz jabetzen saiatuko da. Beraiek dira lanbidean jardutean izan ditzaketen arriskuak ezagutzeko interesa duten lehenengoak.

Formazioa jarduera iraunkor eta etengabe gisa ulertu behar da eta langilearentzat erakargarria den modu batean burutuko da, kosturik gabe eta, ahal dela, lan-orduetan zehar.

Osasun-zaintza

Lanak langileen osasunean eragina izan dezake jarduera profesionalaren berezko agenteen eta baldintzen bidez. Horregatik, beharrezkoa da azterketa medikoak egitea eta azterketak egin behar dituen medikuak enpresan dauden arriskuak eta hartutako prebentzio-neurriak ezagutzea.

Langileak bere osasun-zaintzaren emaitza guztien berri izateko eskubidea du, hau da, diagnostikoa, tratamendu medikoa, proposamen medikoak eta abar ezagutuko ditu. Informazio hori medikuaren eta langilearen arteko erabateko konfidentzialtasuneko harremanean erabiliko da.

Enpresariak eta prebentzioaren ardura bere gain hartu duten pertsonak edo erakundeek mediku azterketatik ateratako ondorioa ezagutuko dute soilik, hau da, langilea lanean aritzeko gai den edo ez jakingo dute bakarrik.

Osasun-zaintzaren emaitzen datuekin, enpresariak langile guztiei buruzko informazioa lortuko du eta horren arabera jokatu ahal izango du prebentzio-neurriak hobetuz edo berriak sartuz.

Zereginak

- Moodle-etik 4. galdetegiaren dokumentua deskargatu.
- Galdetegia bete eta Moodle-era igo.